



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Datum: 21.10.2012. godine

OPĆINSKO VIJEĆE
- o v d j e -

PREDMET: Izvještaj o provedenoj javnoj raspravi na Nacrt odluke o upravljanju i održavanju grobalja-mezarja na području općine Tešanj, dostavlja se,-

Općinsko vijeće Tešanj na svojoj 11. sjednici, održanoj 30.09.2013. godine, razmatrajući Nacrt odluke o upravljanju i održavanju grobalja-mezarja na području općine Tešanj, usvojilo je zaključak kojim se prihvata Nacrt odluke i upućuje na javnu raspravu.

Poziv za učešće u javnoj raspravi po Odluci objavljen je na web stranici Općine Tešanj, oglašen putem medija i oglasnih ploča Općine Tešanj i direktno upućen na adrese JP "RAD" dd Tešanj i vjerskih zajednica na području općine Tešanj.

Usmena javna rasprava održana je dana 21.10.2013. godine. Usmenoj raspravi prisustvovali su: Općinski sanitarni inspektor, Općinski komunalni inspektor, Sekretar IZ Tešanj i predstavnici Službe za finansije, privredu i inspekcije Hamzalija Hojkurić i Haška Hundur.

Nakon razmatranja prijedloga i primjedbi u Prijedlog odluke o upravljanju i održavanju grobalja-mezarja uvrstili smo primjedbe koje smo smatrali korisnim i opravdanim, a u daljem tekstu dajemo pregled svih iznesenih primjedbi:

Predstavnik IZ Tešanj je predložio da se u članu 14. stav 1. na kraju teksta doda "uz sagasnost upravitelja"

Razmatrajući ovaj prijedlog i propise koji regulišu ovu oblast, u članu 14. stav 1., briše se tačka i dodaje tekst " uz prethodnu saglasnost Upravitelja kojom će biti utvrđeno vrijeme ekshumacije i mjesto pristupa ovlaštenim licima za ekshumaciju."

Na pitanje vijećnika Mirze Unkića a koje se ticalo člana 2. Odluke, na samoj sjednici OV odgovor je dao Pomoćnik Općinskog načelnika Hamzalija Hojkurić- pojašnjavajući da član 2. uopšteno definiše pojam groblja-mezara po ovoj Odluci, a da se između ostalog ovaj član odnosi i na parcelu koja je prostorno planskom dokumentacijom planirana kao multietničko groblje. U Prijedlog odluke u član 2. uvršten je stav 2. kojim je pojašnjen minimum uslova potrebnih za početak ukopavanja umrlih lica na groblju-mezarju.

Vijećnik Dujsić Amir je pitao šta znači održavanje grobalja? Članom 10. Odluke je utvrđeno koje aktivnosti je podrazumijevaju pod održavanjem grobalja. Kada je riječ o ograđivanju-misli se na ograđivanje zemljišta koje je predviđeno kao groblje-mezarje, a u vezi je sa članom 2. Odluke kojim je definisano šta se smatra grobljem u smislu ove odluke. Uređivanje i održavanje grobnih mjesta i nadgrobnih spomenika vrši se u skladu sa pravilima koja utvrđuje upravitelj groblja, kako je to predviđeno članom 19. Odluke.

Primjedba u vezi sa članom 18. odluke kojim je predviđen nadzor nad primjenom odredaba ove Odluke, nije moguće mijenjati u smislu da se utvrde sankcije za nadležnu inspekciju. Rad i odgovornost inspeksijskih organa propisan je Zakonom o državnoj službi u FBiH.

Vijećnik Velid Joldić je istakao da u proceduri donošenja Odluke treba riješiti imovinske odnose za zemljište-porodična groblja.

Ovu primjedbu nije moguće uvažiti obzirom da se rješavanje imovinsko-pravnih odnosa vrši po procedurama predviđeni propisima kojima su regulisana imovinsko-pravna pitanja. U cilju regulisanja ovih pitanja a prije svega radi pravilne primjene prostorno planskih uvjeta za izgradnju novih grobalja i obezbjeđenja adekvatnih sanitarno higijenskih uslova, u član 6. Odluke uvršten je stav 2. i 3. kojim su regulisana pitanja porodičnih grobalja ili pojedinačnih grobnih mjesta.

Osim toga u članu 17. stav 1. tačka b) Odluke predviđeno je sankcionisanje u slučaju daljeg korištenja porodičnih grobalja ili pojedinačnih grobnih mjesta.

Dostavljeno:

1.Imenovani,

2.a/a

POMOĆNIK OPĆINSKOG NAČELNIKA

Hamzalija Hojkurić,dipl.ecc.